

The image shows the interior of a mosque, characterized by a series of repeating arches supported by columns. A large, ornate chandelier hangs from the ceiling. The floor is highly reflective, mirroring the architectural details. The lighting is warm, with a bright sun visible through the central arch, creating a lens flare effect. The overall atmosphere is serene and majestic.

# POZITA E PAJTIMIT MES NJERËZVE NË ISLAM

*Shejh Rabia El Medkhalij*

## BISMILAHIR RAHMANIR RRAHIM

E gjithë Lavdia i takon Allahut, salavatet dhe selamet qofshin mbi të dërguarin e Allahut, mbi familjen e tij, mbi shokët e tij dhe mbi të gjithë ata që ndjekin udhëzimin e tij, e më pas:

● Me të vërtetë që përmisimi (pajtimi) mes njerëzve është nga qëllimet më të mëdhaja me të cilat ka ardhur Islami për realizimin e saj. Ka urdhëruar Allahu-Subhanehu ue Teala- në librin e tij Fisnik për pajtim, si dhe kërkon e nxit për bashkim. Dhe ka ndaluar nga përçarja dhe mospajtimi.

**Ka thënë Allahu i Lartësuar:**

بِسْمِ اللَّهِ الرَّحْمَنِ الرَّحِيمِ

يَسْأَلُونَكَ عَنِ الْأَنْفَالِ قُلِ الْأَنْفَالُ لِلَّهِ وَالرَّسُولِ فَاتَّقُوا اللَّهَ وَأَصْلِحُوا ذَاتَ بَيْنِكُمْ وَأَطِيعُوا اللَّهَ وَرَسُولَهُ إِن كُنْتُمْ مُؤْمِنِينَ ①

**"Të pyesin ty (o Muhamed) për plaçkën e luftës, thuaju: "Plaçka e luftës i përket Allahut dhe të Dërguarit". Prandaj, frikësojuni Allahut, përmirësoni (rrequlloni) marrëdhëniet midis jush dhe bindjuni Allahut dhe të Dërguarit të Tij, nëse jeni besimtarë"<sup>1</sup>.**

**Dhe ka thënë Allahu i Lartësuar:**

وَإِنْ خِفْتُمْ شِقَاقَ بَيْنِهِمَا فَأَبْعَثُوا حَكَمًا مِّنْ أَهْلِهِ وَحَكَمًا مِّنْ أَهْلِهَا إِنْ يُرِيدَا إِصْلَاحًا يُوَفِّقِ اللَّهُ بَيْنَهُمَا إِنَّ اللَّهَ كَانَ عَلِيمًا خَبِيرًا ②

**"Dhe nëqoftëse keni frikë se prishen marrëdhëniet midis atyre të dyve (ndarjen e burrit nga gruaja), caktoni një gjykues nga familja e tij dhe një gjykues nga familja e saj. Nëse ata të dy dëshirojnë pajtimin, Allahu do ta bëjë të mundur pajtimin e tyre. Vërtetë Allahu është kurdoherë i Gjithëdijshëm dhe është gjithnjë në dijeni të plotë."<sup>2</sup>**

Është argumentuar Ibn Abasi radij Allahu anhumama me këtë ajet për rëndësinë e madhe që ka pajtimi mes njerëzve në Islam, në kohën kur debatoji me khaurixhët, ka thënë radij Allahu anhumama : "Sa i përket fjalës (akuzës) tuaj se (Aliu) i ka lejuar njerëzit për të gjykuar në lidhje me çështjen e Allahut" atëherë unë do tju lexoj atë që tregon se Allahu e ka kaluar gjykimin e tij tek njerëzit në lidhje me çmimin e çerek dirhemi

<sup>1</sup> [Kuran Surja Enfal/1]

<sup>2</sup> [Kuran:Surja En-Nisa/35]

(të lepurit dhe të ngjashmëve me të), a nuk e keni vënë re fjalën e Allahut-Tebarkte ue Teala:-

يَا أَيُّهَا الَّذِينَ ءَامَنُوا لَا تَقْتُلُوا الصَّيِّدَ وَأَنْتُمْ حُرْمٌ ۚ وَمَنْ قَتَلَهُ مِنْكُمْ مُتَعَمِّدًا فَجَزَاءٌ مِّثْلُ مَا قَتَلَ مِنَ النَّعَمِ يَحْكُمُ بِهِ ۗ ذَوَا عَدْلٍ مِنْكُمْ

**"O besimtarë! Mos gjuani(gjah), duke qenë në Ihram(për haxh ose umre)! Kushdo që e vret gjahun me paramendim, për dënim duhet të therë kurban një kafshë të sjellë në Qabe të ngjashme me kafshën e gjuajtur, e gjykuar kjo nga dy burra të drejtë nga mesi juaj" <sup>3</sup>**

Dhe prej gjykimit të Allahut ishte se ai ja kaloi njerëzve të gjykojnë në të(çmimin e 4 dirhemëve në lidhje me lepurin), sikur të dëshironte ai do gjykonte vetë në të porse e lejoi në të gjykimin nga ana e njerëzve. Ju kërkohet për hir të Allahut a është më i rëndësishëm(më i mirë) gjykimi i njerëzve në mënyrë që të pajtohen midis tyre si dhe të shpëtohen jetët e njerëzve (duke ndaluar vrasjen mes tyre) apo është më i rëndësishëm gjykimi i tyre për lepurin?

Ata thanë: posi,(e para) është më e mirë.

Ai tha (Ibn Abasi): ka thënë Allahu në lidhje me gruan dhe burrin e saj :

وَإِنْ خِفْتُمْ شِقَاقَ بَيْنِهِمَا فَابْعَثُوا حَكَمًا مِنْ أَهْلِهَا وَحَكَمًا مِنْ أَهْلِهَا

**"Dhe nëqoftëse keni frikë se prishen marrëdhëniet midis atyre të dyve(ndarjen e burrit dhe gruas),caktoni një gjykues nga familja e tij dhe një gjykues nga familja e saj.." <sup>4</sup>**

Kështu që ju lutem për hir të Allahut a është më e rëndësishme gjykimi i njerëzve-në mënyrë që të pajtohen midis tyre si dhe të shpëtohen jetët e njerëzve apo martesat e gruas,..a mbaruan me këtë ?Ata thanë :po.<sup>5</sup>

**Ka thënë Allahu i Lartësuar :**

لَا خَيْرَ فِي كَثِيرٍ مِنْ نَجْوَاهُمْ إِلَّا مَنْ أَمَرَ بِصَدَقَةٍ أَوْ مَعْرُوفٍ أَوْ إِصْلَاحٍ بَيْنَ النَّاسِ ۗ وَمَنْ يَفْعَلْ ذَلِكَ ابْتِغَاءَ مَرْضَاتٍ اللَّهِ فَسَوْفَ نُؤْتِيهِ أَجْرًا عَظِيمًا ﴿١١٤﴾

**"S'ka kurrfarë të mire në shumicën prej bisedave të tyre të fshehta, përveç atij i cili urdhëron që të jepet lëmoshë ose për *mearuuf*(të njihet islami i pastër dhe çdo gjë të drejtë të cilën e ka urdhëruar Allahu) apo për *pajtim mes njerëzve*.Ai që e bën këtë duke kërkuar kënaqësinë e Allahut, Ne do ti japim atij shpërblim të madh" <sup>6</sup>**

<sup>3</sup> [Kuran:Surja El-Maideh/95]

<sup>4</sup> [Kuran:Surja En-Nisa/35]

<sup>5</sup> Transmeton Nesaiu në "Elkubra" (5/165) nr.8522

<sup>6</sup> [Kuran: Surja En-Nisa/114]

**Dhe ka thënë Allahu i Lartësuar:**

وَإِنِ امْرَأَةٌ خَافَتْ مِنْ بَعْلِهَا نُشُورًا أَوْ إِعْرَاضًا فَلَا جُنَاحَ عَلَيْهِمَا أَنْ يُصْلِحَا بَيْنَهُمَا صُلْحًا ۗ وَالصُّلْحُ خَيْرٌ ۗ وَأُحْضِرَتِ الْأَنْفُسُ الشُّحَّ ۗ وَإِنِ تُحْسِنُوا وَتَتَّقُوا فَإِنَّ اللَّهَ كَانَ بِمَا تَعْمَلُونَ خَبِيرًا ﴿١٢٨﴾

"Dhe nëqoftëse ndonjë grua ka frikë nga ashpërsia e burrit ndaj saj ose nga braktisja e saj atëherë nuk ka gjynah për ata nëse pajtohen ndërmjet tyre. **Dhe vendosja e pajtimit është më e mirë.** Shpirtrat e njerëzve ndikohen nga lakmia. Por në qoftë se ju bëni mirë dhe largoheni prej të këqijave, padyshim Allahu është në dijeni të plotë për gjithçka që ju veproni"

**Dhe ka thënë Allahu Xhel-le Xhelaluhu:**

وَإِن طَائِفَتَانِ مِنَ الْمُؤْمِنِينَ اقْتَتَلُوا فَأَصْلِحُوا بَيْنَهُمَا ۚ فَإِنْ بَغَتْ إِحْدَاهُمَا عَلَى الْأُخْرَىٰ فَقَاتِلُوا الَّتِي تَبْغِي حَتَّىٰ تَفِيءَ إِلَىٰ أَمْرِ اللَّهِ ۚ فَإِنَّ فَاءَتَ بَيْنَهُمَا بِالْعَدْلِ وَأَقْسَطُوا ۖ إِنَّ اللَّهَ يُحِبُّ الْمُقْسِطِينَ ﴿٩﴾ **إِنَّمَا الْمُؤْمِنُونَ إِخْوَةٌ فَأَصْلِحُوا بَيْنَ أَخَوَيْكُمْ ۗ وَاتَّقُوا اللَّهَ لَعَلَّكُمْ تُرْحَمُونَ ﴿١٠﴾**

"Dhe nëqoftëse dy palë besimtarësh bëjnë luftë midis tyre, pajtojini ata. Por, nëse njëra palë sulmon tjetrën, atëherë luftoni kundër sulmuesit, derisa të veprojë në përputhje me Urdhërimin e Allahut. Pas kësaj nëse kthehet, atëherë pajtojini ata midis tyre me drejtësi dhe paanësi. Vërtet që Allahu i do ata që veprojnë me paanësi. **Pa dyshim që besimtarët janë vëllezër (në islam), andaj pajtojini vëllezërit tuaj midis tyre dhe kijeni frikë Allahun, në mënyrë që të fitoni mëshirën e tij**"

**«Ka thënë Ibn Kethiri-Allahu e mëshiroftë- në komentimin e këtij ajeti :**

Thotë Allahu-Subhanehu ue Teala- duke urdhëruar për pajtim mes myslimanëve të cilët sulmojnë njëri tjetrin :

وَإِن طَائِفَتَانِ مِنَ الْمُؤْمِنِينَ اقْتَتَلُوا فَأَصْلِحُوا بَيْنَهُمَا

"Dhe nëqoftëse dy palë besimtarësh bëjnë luftë midis tyre, pajtojini ata"<sup>8</sup>

Pra Allahu i quajti ata besimtarë edhe pse e luftuan njëri-tjetrin. Për këtë arsye është argumentuar Buhariu dhe të tjerë (me këtë ajet) se nuk del (myslimani) nga feja me kryerjen e gjynahit sado e madhe të jetë, jo sikur thonë Khaurixhët apo Muatezilitë dhe të ngjashëm me to. Është transmetuar në Sahihun e Buhariut prej hadithit të Hasanit, nga Ebi Bekre radijAllahu anhu se ka thënë : "Një ditë prej ditësh i Dërguari i Allahut mbajti hutbe dhe me të ishte në minber Hasani i biri i Aliut radijAllahu anhuma, i Dërguari i Allahut herë vështronte tek ai e herë nga njerëzit duke thënë: Ky biri im, është një fisnik i shquar, shpresoj se Allahu do pajtojë nëpërmjet tij dy grupe të mëdha prej myslimanëve"

<sup>7</sup> [Kuran: Surja El-Huxhurat/9,10]

<sup>8</sup> [Kuran: Surja El-Huxhurat/9]

...dhe ashtu ndodhi siç tha i Dërguari i Allahut salAllahu alejhi ue selem, pajtoi Allahu nëpërmjet tij banorët(myuslimanët) e Shamit dhe ato të Irakut pas luftërash të gjata mes tyre dhe ngjarjesh të tmerrshme (të ndodhura gjatë viteve 36-41 sipas hixhrit).

**Dhe ka thënë Allahu i Lartësuar :**

فَإِنْ بَعَثَ إِحْدَهُمَا عَلَى الْأُخْرَى فَقَاتِلُوا الَّتِي تَبْغِي حَتَّى تَفِيءَ إِلَى أَمْرِ اللَّهِ ۚ

**Por, nëse njëra palë sulmon tjetrën, atëherë luftoni kundër sulmuesit, derisa të veprojë në përputhje me Urdhërimin e Allahut.<sup>9</sup>**

Domethënë derisa ta kthejë çështjen tek Allahu dhe i Dërguari i tij, ta dëgjojë të vërtetën dhe ti bindet asaj, siç ka ardhur në Sahihun e Buhariut me trasmetim nga Enesi radijAllahu anhu se i Dërguari i Allahut-salAllahu alejhi ue selem-ka thënë: Ndhimjoje vllain tënd që bën padrejtësi dhe atë që i bëhet padrejtësi, (thotë Enesi) thashë: o i Dërguar i Allahut, mirë se e ndihmoj atë që i bëhet padrejtësi por si ta ndihmoj atë që bën padrejtësi?? Tha: ta ndalosh atë që të mos bëjë padrejtësi, kjo është ndihma jote për të!!<sup>10</sup>

**Dhe ka thënë Allahu i Lartësuar :**

إِنَّ الَّذِينَ فَرَّقُوا دِينَهُمْ وَكَانُوا شِيْعًا ۚ لَسْتَ مِنْهُمْ فِي شَيْءٍ ۚ إِنَّمَا أَمْرُهُمْ إِلَى اللَّهِ ثُمَّ يُنَبِّئُهُم بِمَا كَانُوا يَفْعَلُونَ ﴿١٥٩﴾

**"Vërtetë ata që e ndajne fenë e tyre dhe shpërndahen në sekte e grupe, ti(o Muhamed) nuk ke të bësh aspak me ta. Çështja e tyre është tek Allahu dhe më vonë do tu tregojë atyre se çfarë vepronin ".<sup>11</sup>**

«Ka thënë Ibn Kethiri në komentimin e këtij ajeti:

Ajo që është e dukshme nga ky ajet ,se ai është i përgjithshëm për çdokënd që e përçan fenë e Allahut dhe e kundërshton atë. Allahu ka dërguar peygamberët e tij me udhëzim dhe me fenë e vërtetë që të triumfojë mbi të gjitha fetë e tjera, ligjet e saj janë një, ska kundërshtim në të e as përçarje dhe kush kundërshton atë dhe ndahet ne grupacione- pra domethënë ne sekte sikur pasuesit e grupacioneve të humbura dhe të ëndjeve boshe e të shmangura nga rruga e drejtë , atëherë dije se Allahu e ka distancuar peygamberin e tij-salAllahu alejhi ue selem-nga ajo në të cilën ndodhen ato».<sup>12</sup>

<sup>9</sup> [Kuran:Surja El-Huxhurat/9]

<sup>10</sup> Tefsir ElKuran ElAdhim(7/349)

<sup>11</sup> [Kuran: Surja El-Enaam/159]

<sup>12</sup> Tefsir ElKuran ElAdhim (3/339)

**Dhe ka thënë Allahu i Lartësuar:**

فَأَقِمْ وَجْهَكَ لِلدِّينِ حَنِيفًا فِطْرَتَ اللَّهِ الَّتِي فَطَرَ النَّاسَ عَلَيْهَا لَا تَبْدِيلَ لِخَلْقِ اللَّهِ ۗ ذَلِكَ الدِّينُ الْقَيِّمُ وَلَكِنَّا كَثُرَ النَّاسُ لَا يَعْلَمُونَ ﴿٣٠﴾ مُنِيبِينَ إِلَيْهِ وَاتَّقُوهُ وَأَقِيمُوا الصَّلَاةَ وَلَا تَكُونُوا مِنَ الْمُشْرِكِينَ ﴿٣١﴾ مِنَ الَّذِينَ فَرَّقُوا دِينَهُمْ وَكَانُوا شِيْعًا ۗ كُلُّ حِزْبٍ بِمَا لَدَيْهِمْ فَرِحُونَ ﴿٣٢﴾

**"Kështu drejto fytyrën tënde drejt besimit të pastër Islam *hanifeh*(veçimit të Allahut me adhurim dhe mos adhurimit të asgjëje tjetër përveç tij), në besimin e pastër të cilën Allahu e ka krijuar njerëzimin. Le të mos ketë asnjë ndryshim (në fenë e Allahut, ne rrugën e tij). Kjo është feja e drejte por shumica e njerëzve nuk e dinë. Vazhdoni ti ktheheni atij me pendim dhe kijeni frikë atë e plotësoni detyrimin ndaj tij, kryeni faljen e namazit dhe mos u bëni prej idhujtareve. Nga ata të cilët e shpërbënë fenë e tyre dhe u bënë degëzime me vete (duke sjellë bidate risi e rishikime të fesë së pastër e të vërtetë duke e perzier me gjëra jofetare si dhe duke ndjekur dëshirat e tyre boshe), secila degë duke u kënaqur me të veten (me atë që kanë si besim të tyre)"<sup>13</sup>**

**«Ka thënë Ibn Kethiri në komentimin e këtyre ajeteve:**

**Ato të feve të tjera që kanë qënë para nesh u kundërshtuan mes veti në ideologji dhe shembuj të kota ku çdo sekt prej tyre pretendon se janë në të vërtetë. Dhe ky popull (myslimanët) janë kundërshtuar në mes veti në mendime dhe besime të ndryshme, që të gjithë janë në devijim përveç një grupi dhe ata janë Ehli Sunneti dhe Xhemati, të cilët janë të kapur mbas librit të Allahut dhe rrugës së pejgamberit-salAllahu alejhi ue selem- dhe në atë çfarë ishte brezi i parë prej sahabëve, tabiinëve, imamllarëve të mëdhenj të myslimanëve në kohërat e shkuara dhe në atë të tashmen».<sup>14</sup>**

Përderisa prishja e marrëdhënieve mes njerëzve është prej shkaqeve për në përçarje, për në kundërshtime, për në dështim dhe pas kësaj deri në sundimin e armiqve dhe triumfin e tyre mbi myslimanët, **na paralajmëroi Allahu prej grindjeve duke thënë-Subhanehu ue Teala- :**

وَأَطِيعُوا اللَّهَ وَرَسُولَهُ ۗ وَلَا تَتَزَعَوْا فَتَفْشَلُوا وَتَذْهَبَ رِيحُكُمْ ۗ وَأَصْبِرُوا ۗ إِنَّ اللَّهَ مَعَ الصَّابِرِينَ ﴿٤٦﴾

**"Bindjuni Allahut dhe të Dërguarit të Tij dhe mos u grindni ndërmjet jush, sepse do të humbni kurajon e do t'ju lërë fuqia. Bëhuni të durueshëm, se Allahu, me të vërtetë, është me të durueshmit"<sup>15</sup>**

<sup>13</sup> [Kuran:Surja Er-Rum/30/31/32]

<sup>14</sup> Tefsiri Elkuran ElAdhim (6/285)

<sup>15</sup> [Kuran:Surja El-Enfal/46]

Ka ardhur hadith i saktë nga Ebi Derda se ka thënë : Ka thënë i Dërguari i Allahut -salAllahu alejhi ue selem-:

عن أبي الدرداء قال : قال رسول الله صلى الله عليه وسلم : " ألا أخبركم بأفضل من درجة الصيام والصلاة والصدقة؟ " قالوا : بلى. قال : " صلاح ذات البين ؛ و فساد ذات البين هي الحالقة " .

**"A doni t'ju tregoj për diçka që ka vlerë më shumë se agjërimi, namazi dhe lëmosha? Ata i thanë: Po. Atëherë, Ai tha: "Pajtimi mes atyre që kanë mosmarrëveshje, sepse armiqësia mes tyre është `el halika` – rruajtëse.<sup>16</sup>**

Është tranmetuar prej Zubejr bni El-Auam se i Dërguari i Allahut -salAllahu alejhi ue selem- ka thënë :

عن الزبير بن العوام رضي الله عنه، أن رسول الله صلى الله عليه وسلم قال : " دب إليكم داء الأمم قبلكم : الحسد، والبغضاء، والبغضاء هي الحالقة، لا أقول : تحلق الشعر، ولكن تحلق الدين، والذي نفسي بيده - أو والذي نفس محمد بيده - لا تدخلوا الجنة حتى تؤمنوا، ولا تؤمنوا حتى تحابوا، أفلا أنبئكم بما يثبت ذلك لكم ؟ أفشوا السلام بينكم " .

**"Ka depërtuar në mesin tuaj sëmundja e popujve te mëpërparshëm: smira dhe urrejtja dhe urrejtja është: ajo që rruan.Nuk them se rruan flokët por rruan fenë(e rrezikon atë). Beto hem në atë që e ka shpirtin tim në dorë-ose beto hem në atë të cilin e ka shpirtin e Muhamedit në dorë<sup>17</sup>- nuk do hyni ne xhenet deri sa të besoni dhe nuk do të bësoni derisa të duheni me njeri tjetrin.A tju tregoj diçka e cila ju perfocon juve në këtë(nëse e veproni)..përhapni përshendetjen me selam mes njeri tjetrit".<sup>18</sup>**

**● Duhet mbi të gjithë ata që i pasojnë të parët tanë të mirë tia vendosin vetes para syve këto ajete dhe hadithe dhe ti lejnë kundërshtimet mes tyre sepse kontradikta është sherr.**

**E Lus Allahun ti japi sukses të gjithëve për të pasuar Kuranin dhe Sunnetin dhe të kapen fort mbas këtyre te dyjave.**

**🌐 Burimi artikullit :<http://www.rabee.net/ar/articles.php?cat=8&id=335>**

**SHKROI : RABIA BIN HADIJ**

**PËRKTHEU:O.BEJA**

06/08/1439 HIXHRIJ (22 PRILL 2018)

<sup>16</sup> Transmeton Buhariu në Edebul Mufred nr.391,Ahmedi në Musned nr.27508,Ebu Daudi në Es-Sunen nr.4921,Tirmidhiu në El-Xhamia nr.2595, e ka saktësuar shejkh Albani Allahu e mëshiroftë në Sahih Edebul Mufred kapitulli: Përmisimi i marrëdhënieve mes njerëzve (302/391)dhe në Sahih El-Xhamia Sagir ue zijadetuh (1/501) nr.2595

<sup>17</sup> (sh.p: dyshim në kujtesë nga ana e tranmetuesit të hadithit)

<sup>18</sup> Trasneton Ahmedi në Musned nr.1430,Tirmidhiu në Sunen nr.2510,Buhariu në Edeb ElMufred nr.260, ka thënë shejkh Albani në librin Sahih Et-Tergib ue Et-Terhib (3/44) :”hasen ligajrihi”